

15/335-2020 01.07.2020

Ձ 3

Այրում Համայնք

<< 11 >> 06 2020թ.

Ազգային անվտանգության ծառայությունը, ի դեմս ծառայության տնօրենի տեղակալ Ա.Գ.Հակոբյանի, որը գործում է ծառայության կանոնադրության հիման վրա, (այսուհետ՝ Բաժանորդ), մի կողմից և ՀՀ Տավուշի մարզի Այրում համայնքի զարգացման և ներդրումների հիմնադրամ (այսուհետ՝ Ջրամատակարար), ի դեմս հիմնադրամի գործադիր տնօրեն Ս.Թանդալյանի, որը գործում է հիմնադրամի կանոնադրության հիման վրա, կնքեցին սույն պայմանագիրը (այսուհետ՝ պայմանագիր) հետևյալի մասին՝

1. ՊԱՅՄԱՆԱԳՐԻ ԱՌԱՐԿԱՆ

1.1. Ջրամատակարարն իր ջրամատակարարման համակարգին միացված ցանցի (կամ ընդհանուր օգտագործման ծորակի) միջոցով ՀՀ ԱԱԾ ստորաբաժանումների համաձայն հավելված N1-ի մատակարարում է պետական ստանդարտների պահանջներին համապատասխանող խմելու ջուր (այսուհետ՝ ջուր), իսկ բաժանորդն օգտագործում է մատակարարված ջուրը և օգտագործված ջրի դիմաց վճարները ջրամատակարարին վճարում է պայմանագրով սահմանված կարգով:

2. ԿՈՂՄԵՐԻ ՊԱՐՏԱՎՈՐՈՒԹՅՈՒՆՆԵՐԸ

2.1. Կողմերը պարտավորվում են ղեկավարվել Հայաստանի Հանրապետության օրենսդրությամբ, խմելու ջրի մատակարարման և ջրահեռացման (կեղտաջրերի մաքրման) ծառայությունների մատուցման կանոններով (այսուհետ՝ Կանոններ) և սույն պայմանագրով:

2.2. Ջրամատակարարը պարտավորվում է՝

2.2.1. Ապահովել բաժանորդի ամենօրյա ջրամատակարարումը՝ հաստատված ջրամատակարարման ժամանակացույցով :

2.2.2. Պահպանել կողմերի տնօրինության ջրամատակարարման համակարգերի սահմանազատման կետում մատակարարվող ջրի որակն ըստ գործող պետական ստանդարտների պահանջների :

2.2.3. Իր համակարգում տեղի ունեցած վթարների ու խցանումների մասին անմիջապես տեղեկացնել բաժանորդին և հնարավորինս սեղմ ժամկետում վերացնել դրանք, եթե ջրամատակարարման դադարեցումը պայմանավորված չէ պայմանագրի 2.3.1-րդ կետի պահանջների չկատարմամբ, և (կամ) բաժանորդի ներքին ցանցի սարքերի անբավարար վիճակն սպառնում է վթարներ առաջացնել կամ սպառնալիք է ստեղծում քաղաքացիների կյանքի և (կամ) առողջության համար:

2.2.4. Ջրամատակարարման սակագների փոփոխման մասին առնվազն մեկ ամիս առաջ տեղեկացնել Բաժանորդին:

2.2.5. Բաժանորդի պատվերով և նրա միջոցների հաշվին (այդ թվում՝ տարածամկետ վճարման պայմանով) ապահովել ջրաչափի տեղադրման աշխատանքները:

2.2.6. Բաժանորդի պահանջի դեպքում 5-օրյա ժամկետում ներկայացնել ջրի որակը հավաստող փաստաթուղթ (երաշխիք):

2.2.7. Բաժանորդի կամ նրա բնակության վայրի՝ բազմաբնակարան շենքի ներքին ցանցերի վրա տեղադրված ջրաչափի աշխատանքի ճշտության նկատմամբ կատարված առաջանալու և համապատասխան դիմում ներկայացվելու դեպքում 10-օրյա ժամկետում կատարել ջրաչափի ստուգաչափում:

Ձրա 1931

2.2.8. Հայաստանի Հանրապետության օրենսդրությամբ սահմանված չափաքանակներին համապատասխան, իսկ ջրաչափի առկայության դեպքում՝ ջրաչափի ցուցմունքին համապատասխան հաշվարկել և բաժանորդին ներկայացնել նրա կողմից օգտագործված ջրի դիմաց վճարման ենթակա գումարի չափը:

2.3. Բաժանորդը պարտավորվում է՝

2.3.1. Մատակարարված ջրի դիմաց վճարման ենթակա գումարը, ջրամատակարարին փոխանցել մինչև յուրաքանչյուր ամսվան հաջորդող ամսվա 10-ը:

2.3.2. Ջրի չմատակարարման կամ ջրամատակարարի պարտավորությունների ոչ պատշաճ կատարման, ջրաչափի անսարքության, կապարակնիքի խախտման նկատմամբ կասկածներ առաջանալու դեպքում դրանց մասին անհապաղ տեղեկացնել ջրամատակարարին:

2.3.3. Ապահովել իր տնօրինության ջրամատակարարման ներքին ցանցերի սարքերի ու սարքավորումների պահպանությունն ու դրանց անվտանգ շահագործումը:

3. ՄԱՏԱԿԱՐԱՐՎԱԾ ՋՐԻ ԾԱՎԱԼՆԵՐԻ ՀԱՇՎԱՐԿՄԱՆ ԿԱՐԳ

3.1. Բաժանորդին մատակարարված ջրի ծավալը հաշվարկվում է ջրամատակարարի և բաժանորդի ջրամատակարարման համակարգերի սահմանագատման կետում տեղադրված ջրաչափի և (կամ) բաժանորդի ներքին ցանցում տեղադրված ջրաչափերի ցուցմունքների հիման վրա, իսկ ջրաչափի բացակայության դեպքում՝ ՀՀ օրենսդրությամբ սահմանված չափաքանակներով:

3.2. Ոչ բաժանորդի մեղքով՝ բաժանորդի ջրաչափի անսարքության կամ կապարակնիքների վնասման դեպքում օգտագործված (սպառված) ջրի ծավալը հաշվարկվում է նախորդ 3 հաշվարկային ամսվա ընթացքում ծախսված ջրի միջին ծավալի չափով, բայց 15 օրյա ժամկետից ոչ ավել:

Նշված ժամկետում ջրամատակարարի մեղքով ջրաչափը չկապարակնափելու դեպքում հաշվարկի այդպիսի կարգը պահպանվում է ընդհուպ մինչև ջրաչափը կապարակնափելը, իսկ բաժանորդի կողմից այդ ժամանակահատվածում օգտագործված ջրի ծավալի արժեքը չի հաշվարկվում:

3.3. Օգտագործված ջրի ծավալների հաշվարկման ժամանակահատված է համարվում հաշվարկային ամիսը:

3.4. Բաժանորդի կողմից ջրաչափի բնականոն աշխատանքի խախտման, ջրաչափի կողանցմամբ ջրընդունման, ջրաչափի կապարակնիքների վնասման (պոկման, կեղծման) և այլ միտումնավոր խախտումների հայտնաբերման դեպքում ջրամատակարարը խախտման հայտնաբերման պահին արձանագրում է խախտումը և կազմում կանոնների խախտման ակտ: Կանոնների խախտման ակտը հիմք է ծառայում բաժանորդի կողմից օգտագործված ջրի ծավալի վերահաշվարկման (ճշգրտման) համար:

4. ՎՃԱՐԻ ՀԱՇՎԱՐԿՄԱՆ ՈՒ ՎՃԱՐՄԱՆ ԿԱՐԳԸ

4.1. Բաժանորդին մատակարարված ջրի դիմաց վճարները հաշվարկվում են Բաժանորդի ջրաչափի ցուցմունքի /իսկ ջրաչափի բացակայության դեպքում՝ ՀՀ օրենսդրությամբ սահմանված չափաքանակներով/ և պայմանագրում նշված սակագների հիման վրա, իսկ վճարումը կատարվում է Ջրամատակարարի սույն պայմանագրում նշված բանկային հաշվին կամ փոստային բաժանմունքում:

4.2. Պայմանագրի կնքման պահից գործում են հետևյալ սակագները՝
ա) մատակարարվող մեկ խոր. մետր ջրի համար՝ 150 (հարյուր հիսուն) ՀՀ դրամ :

4.3. Պայմանագրի 4.2-րդ կետով նախատեսված սակագները Հայաստանի Հանրապետության օրենսդրությամբ սահմանված կարգով փոփոխվելու դեպքում գործում են փոփոխված սակագները: Հաշվարկային ամսվա համար Բաժանորդին մատուցված ծառայությունների դիմաց Ջրամատակարարը կազմում և Բաժանորդին է ներկայացնում հաշվարկային փաստաթուղթ:

5. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

5.1. Պայմանագրային պարտավորությունները չկատարելու, ոչ պատշաճ կատարելու կամ վնաս հասցնելու դեպքերում, ինչպես նաև բաժանորդի կողմից օգտագործված ջրի ծավալի նվազեցման նպատակով ջրաչափի բնականոն աշխատանքի խախտման, ջրաչափի կողանցմամբ ջրընդունման, ջրաչափի կապարակնիքների վնասման (պոկման, կեղծման) և այլ միտումնավոր խախտումների հայտնաբերման դեպքերում կողմերը պատասխանատվություն են կրում և փոխհատուցում են պատճառված վնասները՝ Հայաստանի Հանրապետության օրենսդրությամբ ու Կանոններով սահմանված կարգով՝ բացառությամբ պայմանագրի 6.2-րդ կետում նշված դեպքերի:

5.2. Օրենքով սահմանված կարգով ֆորս-մաժորային դեպքերում ջրամատակարարման դադարեցման, ինչպես նաև բաժանորդի մեղքով իր կրած վնասի համար ջրամատակարարը պատասխանատվություն չի կրում:

5.3. Ջրի չմատակարարման կամ ջրամատակարարման պարտավորությունների ոչ պատշաճ կատարման դեպքերում կազմվում է խմելու ջրի թերմատակարարման ակտ, բայց ոչ ավելի, քան մեկ ամիս ժամկետով, եթե բաժանորդը պայմանագրի 2.3.2-րդ ենթակետի համաձայն հաշվետու ամսվա ընթացքում առնվազն 2 անգամ դրա մասին գրավոր տեղեկացրել է ջրամատակարարին: Ակտի հիման վրա ջրամատակարարը բաժանորդին վճարում է տուժանք՝ թերմատակարարված յուրաքանչյուր մեկ խոր. մետր ջրի համար՝ սակագնի քառապատիկի չափով:

6. ՎԵՃԵՐԻ ԼՈՒԾՄԱՆ ԿԱՐԳԸ

6.1. Պայմանագրի կապակցությամբ ծագած վեճերը լուծվում են բանակցությունների միջոցով:

6.2. Բանակցությունների արդյունքում փոխհամաձայնության չգալու դեպքում վեճերը լուծվում են դատական կարգով:

7. ԱՆՀԱՂԹԱՀԱՐԵԼԻ ՈՒԺԸ (ՖՈՐՍ-ՄԱԺՈՐ)

7.1. Պայմանագրով ստանձնած պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա կապված է ֆորս-մաժորային դեպքերի հետ, որոնք ծագել են պայմանագիրը կնքելուց հետո, և որոնք կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրության հայտարարումը, քաղաքական հուլումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում պայմանագրով ստանձնած պարտավորությունների կատարումը:

8. ՊԱՅՄԱՆԱԳՐԻ ԳՈՐԾՈՂՈՒԹՅԱՆ ԺԱՄԿԵՏԸ

8.1. Պայմանագիրն ուժի մեջ է մտնում ստորագրման պահից և գործում է անժամկետ, եթե կողմերից որևէ մեկը մեկ ամիս առաջ չի դիմում մյուս կողմին՝ այն փոփոխելու կամ դադարեցնելու համար:

Բաժանորդը կարող է միակողմանի լուծել պայմանագիրը՝ դրա մասին Ջրամատակարարին տեղեկացնելու և օգտագործված ջրի համար ամբողջությամբ վճարելու պայմանով:

8.2. Պայմանագրի գործողության ժամկետի ավարտը կամ դրա լուծումը կողմերին չի ազատում մինչ այդ պայմանագիրը խախտելու համար պատասխանատվությունից:

8.3. Պայմանագիրը կնքված է 2 հավասարազոր օրինակից, յուրաքանչյուր կողմին տրվում է մեկ օրինակ:

9. ԿՈՂՄԵՐԻ ԳՏՆՎԵԼՈՒԻ (ԲՆԱԿՈՒԹՅԱՆ) ՎԱՅՐԸ ԵՎ ԲԱՆԿԱՅԻՆ ՎԱՎԵՐԱՊԱՅՄԱՆՆԵՐԸ

Ջրամատակարար

Այրում համայնքի զարգացման և

ներդրումների հիմնադրամ

Հասցեն՝ ՀՀ Տավուշի մարզ Այրում համայնք

գ. Պողոսական

ՀՎՀՀ 007621085

ՀՀ 220153350081000
093288908

Ինքնուրույն Ս.Թանդալյան

(ստորագրությունը)

06 2020 թ

Բաժանորդ

ՀՀ ԱԱԾ ք.Երևան, Նալբանդյան 104

Հ/2900011301067

ՀՎՀՀ 015070979

հեռախոս՝ 015561725



Ինքնուրույն տեղակալ

Ա.Հակոբյան

(ստորագրությունը)

06 2020 թ



ՀԱՄԱՁԱՅՆԱԳԻՐ 11/394-2020

«22» 10 01.07.2020թ. թիվ ՀՀ ԱԱԾ-ՏՆՏԿ-ՄԱ/11/335-2020 պայմանագրի 2020թ ք. Երևան

Ազգային անվտանգության ծառայությունը, ի դեմս ծառայության տնօրենի տեղակալ՝ Ա. Հակոբյանի, որը գործում է ծառայության կանոնադրության հիման վրա, (այսուհետ՝ Բաժանորդ), մի կողմից, և ՀՀ Տավուշի մարզի Այրում համայնքի զարգացման և ներդրումների հիմնադրամ(այսուհետ՝ Ջրամատակարար), ի դեմս հիմնադրամի գործադիր տնօրեն Ս.Թանդայանի, որը գործում է հիմնադրամի կանոնադրության հիման վրա, կնքեցին սույն համաձայնագիրը հետևյալի մասին:

1. ՀԱՄԱՁԱՅՆԱԳՐԻ ԱՍՏՐՎԱՆ

1.1 Կողմերը համաձայնության են եկել 01.07.2020թ. թիվ ՀՀ ԱԱԾ-ՏՆՏԿ-ՄԱ/11/335-2020 պայմանագրում կատարել հետևյալ փոփոխությունը:

1.1. Պայմանագրում առկա Այրում համայնքի զարգացման և ներդրումների հիմնադրամի ՀՀՀՀ կոդը ուղղել և դարձնել 07621085:

2. ԱՅԼ ՊԱՅՄԱՆՆԵՐԸ

2.1 Սույն համաձայնագիրն ուժի մեջ է մտնում ստորագրման պահից և հանդիսանում է ՀՀ 01.07.2020թ. թիվ ՀՀ ԱԱԾ-ՏՆՏԿ-ՄԱ/11/335-2020 պայմանագրի-անբաժանելի մասը:

2.2 Սույն համաձայնագիրը կազմված է հավասարազոր իրավաբանական ուժ ունեցող 4 օրինակից, յուրաքանչյուր օրինակը 1 թերթից:

Ջրամատակարար

Այրում համայնքի զարգացման և ներդրումների հիմնադրամ
Հասցեն՝ ՀՀ Տավուշի մարզ Այրում համայնք
գ. Պտղավան

Հ/հ 220153350081000

ՀՎՀՀ 07621085

Հեռախոս՝ 093288908

Ելակետային տնօրեն

Ս. Թանդայան

(ստորագրությունը)

«22» 10 2020թ

Բաժանորդ

ՀՀ ԱԱԾ ք.Երևան, Նալբանդյան 104

ք.Երևան, Նալբանդյան 104

Հ/հ 900011301067

ՀՎՀՀ 01507079

հեռախոս՝ 015561725

ՀՀ ԱԱԾ տնօրենի տեղակալ՝

Ա. Հակոբյան

(ստորագրությունը)

«22» 10 2020թ



Ձև N 3200
առ 22.10.2020թ